

藏

山

閣

集

藏山閣詩存卷十

桐城錢秉鐙飲光著

龍溪居士校刊

行朝集已丑

元旦雨免朝

行在端州

行宮朝雨濕新年。鐘動天街車馬闌。待漏暗追郎署列。免朝恭聽閣門傳。直廬樹密樓班吏。闔闔雲深鎖御烟。僊仗早收鵷侶散。小臣遙拜鳳樓前。

麻河捷

為武昌侯馬進忠賦也武昌破虜奏捷晉封鄂國公監軍毛壽敘其戰甚悉授筆賦之

中興馬侯古精忠。天子論勳冊上公。毛生夜述麻河戰。滿堂骨竦生英風。是日初戰兵不利。虜騎驍騰萬馬雄。將軍下令盡棄馬。短刀禿襖來爭功。麻河岸高敵初駐。櫓楯層層壁壘固。汗馬解鞍兵作炊。我兵突至誰能禦。可憐攻壁壁不開。壁門砲火轟如雷。將軍大呼身先進。人人死戰堅為摧。壁門既奪虜營亂。黃昏截殺及夜半。鐵騎嘶顛臺馳奔。全軍逼水容誰竄。天風吹月月朦朧。照見虜營已空僵屍枕藉安。足計餘者盡葬麻河中。拂廬萬落三軍宿。胡婦琵琶唱胡曲。將軍舉酒健兒歌。殘魂何

處者聲哭將軍破賊檄屢傳。豈似今無匹馬還。積弱屢朝初吐氣。昆陽鉅鹿誰爭先。
我聞桂林虜來舉。城走瞿相從容袖兩手。留公名式相焦侯三箭殪三騎。焦名璉宜
興城門重閉至今守。又聞西有滇帥胡將軍。胡名一清擢鋒陷陣虜中聞身經百。
戰銳不挫。南人爭推第一勛。諸將紛紛膺國號。因時竊位何足道。指陳邦傳輩馬侯
封公兩人侯。此爵朝廷庶不冒。

獻玉篇

端州城中駐黃屋。南海士人獻雙玉。上言得自南海旁。漁人海上夜見光。明晨網魚
魚眼動。剖魚得玉如璽方。是時天子新御極。玉獻滿朝動顏色。詔出此玉付玉工。琢
成紐鼻蟠蛟龍。篆作皇帝受命寶。髣髴傳國璽與同。我聞此璽秦世造。當時刀筆何
精妙。胡主獻入沙漠亡。亡國物存安足道。帝王應運非偶然。中興必有符瑞先。璽亡
沙漠。胡運盡。玉呈南海。天意旋小臣。且收卞和泪。抃手恭陳獻玉篇。

端州雜詩十四首

去年此日困胡塵。望闕心驚異域人。死去可憐餘馬革。生還何意識龍鱗。天時過嶺

常疑夏官署。無花漫號春。時在冠蓋紛紛遊宦樂。山川滿目總傷神。

庾嶺軍書晝夜飛。南昌無計解重圍。孤城烽鎖糧垂盡。問道人疎信漸稀。入對漫圖

方略上。請師空見節旄歸。江右遣八入朝請援。同謀反正功休叙。可識章門事日

非。

輦衛蕭條國計虛。元勛迎駕意何如。度支空佩司農印。國賦悉按部。眞埋御史車。罷

巡吏職濫從軍府署。人情求仕漢廷疎。闔權不肯兼中外。猶許朝班得內除。

江右安危久不傳。諸君高會慶新年。未知南粵將軍貴。祇訝西園公子賢。卿士幾人

能入幕。朝廷何事可分權。東來相國休憑藉。何公吾驕以李元胤再入直。激切彈文出散員。

回首神京直北看。天隅數郡豈偏安。比聞政府頻虛席。何事言官輒免冠。國法未嚴

臣節見朝廷多故。聖恩寬即今典制遵神祖。竊恐拘文此日難。

近日中書詔已繁。詞頭更襲白麻尊。本朝相業惟調旨。寰海人心仰代言。天語簡來

偏足貴。溫綸濫得豈爲恩。莫因亂世多寬假。一字低昂國體存。

聖度遙從仗外瞻。天顏春藹正尊嚴。中興政賴言官直。跋扈情銷相國廉。山陰相國嚴起恒以

清操為最喜文華勤講幄。早傳慈壽罷垂簾。太后間御便殿同聽政至此罷瞿公念主箴規切。握扇

書成也不嫌。留守翟公以握扇書四箴進呈

主恩浩蕩等閑叨。謬廁儒冠拜赭袍。藩吏幾人瞻北闕。地方有司皆由藩署朝班此日重西曹。

乘時反正功非細。破格酬勛爵太高。鬚鬢莫矜臣節苦。蘇卿雪窖總徒勞。時重反正

忠貞部曲駐施州。躍馬爭衡堵相謀。忠貞本號一隻虎堵公胤錫招降駐施州衛至是撤援江右江上勢方成破

竹。穴中關忽起諸侯。諸藩與忠貞不協三年百戰城全棄。五路連營兵已收。湖北湖

南皆赤地。蒼梧象郡迴生愁。時兩湖已棄聞忠貞將潰入粵西

堵公亦是濟艱材。曾撫荆南萬馬回。即忠貞營心恃舊恩兵可用。疑生諸將志先灰。檄援

江右無時去。圍困長沙竟不開。試聽楚人中夜泣。招魂千里為誰哀。

李公雅負中興略。再出夔關功未成。戊子秋出嶺猛氣豈徒援與國。南銳師何故

挫堅城。謂賴降書狎至謀難測。戰鼓相聞敵莫輕。整暇不教防燕飲。底須沈醉虐儒

生。李面酒輕儒生謂庚必降遂至壓挫

乍喪元戎舉國悲。軍中留後早相推。李既歿中軍杜永即愁閩帥權旁落。豈慮天王

和自行總督事

政下移。諸將比肩輕節鉞。同官屬目擁旌麾。紛紛割據知難問。從此關門不用師。將

春王朔未出關門。喜見滇南使叩關。請附心知天命在。乞封名作聖朝尊。孫可望自
據有雲南至漢家故事須廷議。明主權宜有特恩。史記功臣多賜姓。何難破例與稱藩。是請附乞封
藩可望請封金堡諫阻延臣多泥祖制以異姓不得封王為辭。雲南古徵外西
南夷所居楚莊蹟西略王其地號滇國。漢曰益州武帝朝彩雲見南中雲南之
名始

故人鬚鬢已非初。憂國圖君志未舒。名動宮庭宜早避。官兼清要豈長居。客負時譽
初以編修兼御史今復以副憲兼正詹也。知宦熱心原冷。莫使交親跡漸疏。同是布衣君最遇。從容應
仕意何如皆由薦墨

又十一首

給事趨朝袖草雄。更生筆削果虛公。金吾奉主宜無過。謂馬中尉從龍信有功。謂龍
多難未須增水火一隅底用判西東。時有粵東向來本觸元勳忌。豈謂元勳志與同。
金堡入朝草上十款李與龍馬皆在所論劉郡客削去李龍封上其八
公子元胤總憲袁彭年更垣丁時魁等漸與金合五人之黨自此始矣

相公再出輔吾君。香山公以去秋入朝捧詔趨朝亦太勤。老子未慚長樂號。大夫難悔美新文。思文變後公乞降露章諫議先時去。給事吳其鑑抗疏班行迥不聞。且節

最稱金給事。依違也畏李將軍。

霜嚴憲府凜難攀。總憲袁彭年大諫風裁吏領班。史垣丁便殿連朝求召對。勅書昨夜又

封還朝廷。縱小名猶在方鎮。徒強主未。辱底事。髡公辭太慙。五千鐵騎動龍顏。袁每

有反正功召對時上責以君臣大義袁對不遜有去年惠國以五千鐵騎鼓行而西君臣之義安在等語聞者失色

元戎杖鉞已專征。約法南人禁舉兵。烏合自難迎大敵。驍騰或可借虛聲。冒封恩濫

誅非罪。有忠宣伯實係關奉使官多撤有名。各郡差員過嶺尙書旌節棄。幸邀銅馬

脫餘生。是時嚴禁義兵江右揭重熙出嶺

潯州節帥最卑庸。遭際同膺大國封。陳邦傳官坐擁旌旄。憑跋扈。檄徵兵馬正從容。

中朝名爵真疑濫。蠻地征求豈勝供。柳慶撫軍新遇害。司刑無計問渠兇。柳慶巡撫

傅不睦以計殺之

中丞本意領中樞。詔撫忠貞拜命趨。中丞程响入朝有本兵望會祗慮兵烽窮嶺嶠。

忠貞兵過粵界詔往撫之

何圖使節喪荏苒。馳驅未遂還。朝志溝瀆輕。捐報主。軀縱使宦途多異議。無端陰計

豈宜誣。程至懷集爲亂民所殺初與當事諸公論不合遂謂以計殺之誣矣○懷集梧州府署懷遠劉宋懷集唐威州

聖朝新政惜繁縷。王爵升沈迥未平。大抵遠人官重賞。縱然高位亦虛名。雄談竟博

烏菴貴。凡入關者能大言多。黠豎能邀回寺清。吳縣自稱羅武朝官還司擬獨憶。潤

州錢叔子。空穿芒屨粵中行。以原銜實詔出。注職方爲縣所持要以同少獨憶。潤

諫垣疏上爭資格。闕下喧騰擁玉珂。省員洪夢棟謝元汴極言資郎署有才能對策。格當重退朝百僚爲之一闕

聖朝無地可開科。舊僚廢籍徵皆徧。新進高班占已多。癸未榜數人也識帝心偏愛。皆晉卿貳

惜榜中人盡可如何。

榮名虛冒亂離間。變後除書盡可刪。官尹濫憑供俸竊。侍詔求官自思文新恩屈就。變後皆自稱爲尹

侍郎班。萬鎔入朝自言昌國假以大司。爲要使節頻頒詔。漫假旌麾豈出關。等皆假。馬改授樞武面恩猶稱原任

開府衙仍。在嶺南也。江右諸君承寵徧。故鄉可聽錦衣還。以上省係。江右人

堵相臨邊禾建勛。梧州矯詔冊滇雲。是時滇封錦國公朝使趙煜過梧州知堵公失。志駐梧以奉有便宜勅。遂謀鑄印矯詔封平遠

王便宜本自朝。廷賜封事無難咫尺聞。謀啓賊臣憑假借。陳邦傳屬地半爲忠貞所。據思結援於滇其部將胡

執恭由間道矯詔封監國秦王使煩屬國重紛紜領先受秦封而朝使始至彼此相詰互稱矯即今

廟議何時決聖主殷憂孰與分
督師失勢在蒼梧敗後猶防列鎮圖忠貞兵潰後保昌侯曹志建邀堵公獲之變不免赤地魂銷千里恨滄
江客散一舟孤戎機誤國休輕詆使相還朝豈易趨公趨行朝言官力詆之出莫怪言官封事激
中湘遺勳滿天隅

送毛恭則出監鄂國軍

勅書使節下青霄攬轡春城驛路遙恭則本自軍中入覲
假司馬楚疆戎伏毋忘僱鄂國功高未許驕克敵安民真將略咍桑千里待君招

悲湘潭

督師何公勝蛟圍長沙垂破忠貞營兵至一時潰散公不去駐於湘潭被執死之

長沙兵散湖南空湘潭城中失相公舉朝變色摧天柱白日慘澹黯行宮往時百戰
不足論即今還棄垂成功可憐公長纓五尺頭童齒豁一老翁銅馬百萬峰豺虎仰
公乳哺嬰兒同時危餉詘誰用命赤手空口驅羣雄湖南湖北竟千里捲雲掃霧隨
天風祇期長沙不日得游魚命在沸釜中堵公心勞計轉誤忠貞兵來互疑懼忠貞兵駐

施州府公常德焚燒寶慶走馬驛國駐軍德王侯進才駐寶慶諸將旌旗挽誰住長沙城壞無人登
兵敗後長沙窮寇將奔守復固我兵潰走任東西相公獨在湘潭駐夜半銜枚曉騎
城陷一隅來湘潭無兵城門閉相公衣冠虜能識擁去羅拜聲如雷大罵不絕相公死但見長
沙城中人舉哀公死後長沙人舉哀功名事業長已矣忠臣義士胡爲哉君不見忠貞兵過蒼
梧界堵公雙旌導馬回

悲信豐惠國李以已丑二月歿於信豐

信豐城外虜來急將軍勒馬城上立黃昏對酒坐城樓諸將言事那敢入酒酣擊劍
劍不鳴塵下去盡無人聲夜半斬關諸將走誰扶將軍上馬行城外水深雨如注將
軍馬小不得渡馬聲漸沒將星沈親吏相隨誰相顧偏裨左右盡歸來獨少將軍匹
馬回關門晝閉烽堠絕天子震悼舉朝哀語君且勿哀軍中收得將軍印元帥牙門
昨已開中軍杜永和挈其印回自行總督事

悲南昌南昌以已丑正月城陷昌國金繁昌侯王俱死比信豐敗聞始知

信豐城敗惠國亡胡馬東來勢頗張白旗八桿章門至始聞正月失南昌南昌將軍

暗我機。嬰城坐守聽虜圍。閭閻萬戶人食盡。坑塹百道鳥難飛。敵飽城饑夜深陷。將軍上馬猶酣戰。金公赴水氣如生。王侯刎首色不變。江人莫怪無援師。縱有援師來亦遲。兩勛收兵自不出。客兵雲集來何爲。去年攻虜祇自獎。今來守城墮虜計。敵遣城給以天時不利出戰又聞倡義非同謀。到死相疑還相制。初反正者王也聞金遂嬰城自守虜圍乃合無故成鯨鯢。舊歲此城初反正。卽今城破復誰恨。英雄成敗古來多。其奈城中人命何。

端溪石硯歌

端溪出石硯有三種皆石爲上西坑次之後醫又次之

端州有石色皆紫。端州紫石硯盈市。入市買硯苦不佳。佳者舊坑今在水。前者尙書來搜坑。魁楚發兵障溪涸溪底。溪水玲瓏赴巖深。此坑宛在深巖裏。涇人沒水舟然灰。腰斧穿巖及坑止。坑中捫石截如泥。精粗不辨誰者是。回身攀舷向灰攬。石被風僵兼火炙。琢出猶存火袖文。最佳乃是蕉葉白。點石取名歛尙書。涇人出水渾搜索。卽今尙書一門屠。屠丁後降壯士磨刀復誰惜我聞此言自歎息。浪說鵲鵲眼能碧。

端人。不。我有款硯亦非真。筆鋒掃禿何曾釋。只道端州硯易尋。那知滿市屏風石。歸來洗硯還著書。此硯雖粗書盈尺。

讌集寶月臺

新年此地頻高會。誰似省郎職最閑。樓閣巖空涵皎月。吏人倚檻面蒼山。蠻鄉苦熱官偏冷。曹署名青鬢已斑。無計憂天拚痛飲。也知戎馬近庾關。

劉同庵客生溫立博諸公同游七星巖作

七星巖肇慶府城北曲折森列如北斗狀中一峯洞豁開廣可容數百人

奇石穹窿清泉映帶真勝境也

靈巖踏遍遍山空。洞府門深曲折通。稍比玉華明見日。

延津至華洞最奇須乘燭游却疑龍隱暗

生風。

佳客生謂絕似桂林龍隱洞梯盤霄漢空。王殿勝射金銀斗母宮。

猶有中丞遺像在白頭正法

有何功。

副府熊文燦所建費十餘萬有熊祠

寄開少

未時按蜀

問道延津出生還意惘然。鴈行尋萬里。虎穴足三年。公道朝端少。威名蜀吏傳。惠連經歲至。芒屨竟空穿。謂取少

送劉通侯返黔寄乃叔晉仲刺史都勻

故人天末宦。異地得通家。草入郎官舍。山深刺史車。龐眉煙際鎖。雙鬢瘴邊華。西送阿咸路。相思蠻樹遮。

劉同庵司寇自羊城回

亞卿銜詔日。留後建牙時。劉往安撫諸軍時永和已行督事國體寧毋失。軍情且不疑。盈廷人坐論。有事爾奔馳。莫更陳辛苦。賢勞念者誰。劉回議者謂其不能力爭聽杜永和攝行督事也

送姚翁默仙入平西山中寄曼公

尚有故人戀。胡為更遠尋。灘流當夏惡。瘴氣入西深。採藥蠻中興。鈔方學士心。姚翁理曼公亦習此逃虛知已久。應喜得登音。

劉客生詹尹直經筵講官

詹尹辭風憲。初兼銜今辭承恩備講員。名因元老重。留守力帝識布衣賢向北聲容正。同官宴賞偏。劉與黃公奇遇並講黃莫徒遵故事。政本是經筵。粵人音經帝意注刻

同汪辰初吳東三集七星巖卽事

端州城北數峰青。落落蒼蒼綴七星。霽入新春山轉倩。樽移同舍履重綰。予已玉皇殿落雲中。磐山頂在斗母宮。搖天平鈴。醉後芳堤歸騎軟。東風底事却吹醒。

送別憲幕林樹本之桂林

林諱有聲。江寧人。隆武乙酉科舉人。任都察院經歷。以論首輔香山公去。

薄官天南幸比鄰。送君西去黯傷神。趨朝有詔數元老。抗疏分班出小臣。政本豈應容失節。幕僚借此欲抽身。桂林留守招賢地。扼腕同心大有人。吳閩青方在桂林。

厲懷

高閣臨城隅。上有長歎婦。昔歲遭喪亂。夫壻棄我走。一身無人依。屏跡潛林藪。時平夫壻還。燕爾得新偶。新人本倡家。媚君君以厚。嗟我顛顛姿。爭妍意何有。新人日以前。舊人日以後。不憶舊人恩。但見舊人醜。

西施絕代姿。昔爲邨中女。邨女雖不如。同是浣紗侶。一朝入吳宮。嬌若輕霞舉。吳宮多麗姬。承恩無比數。昔時浣紗伴。相念何由覩。忽謬充後宮。採擇爭見許。所望君一言。默默久不語。自矜榮華身。恥與顛顛伍。安得宮使來。寄去紗一縷。漢家昔全盛。宮女羅數千。君王不召見。蛾眉安得前。召見亦不難。胡爲按圖宣。君心

既以倦畫工。亦有權昭君。恃其貌。坐待君王憐。君王自重色。畫工自重錢。豈無長門金。使我顏色鮮。所傷絕世姿。與衆同黃緣。賄賂竟不行。甘心成棄捐。此身雖不御。此志終不遷。

東國有貧女。娟娟常獨宿。吐詞芳若蘭。衛身皎如玉。雅意好詩書。無情膏與沐。顏色雖非殊。婦德洵已淑。齊王選后妃。搜求及白屋。媒氏亦知名。家貧不見錄。還言君王恩。祇在七貴族。可憐女無妝。蛾眉空自曲。但因媒氏進。得厲君王目。一顧不見收。甘心守幽獨。

皜皜山頭雪。皚皚瓦上霜。鬱鬱道傍松。蕭蕭堤邊楊。堅脆各有質。榮悴匪其常。東風吹春來。堤樹先抽揚。美人惜青春。移植白玉堂。護以朱闌干。庭砌生輝光。誰念貞松姿。寂寞棄道旁。行人過其下。撫歎增感傷。不傷松樹老。松色自蒼蒼。所傷堂前柳。旦暮還萎黃。

菖竹與甘蔗。同生在江陂。高樓資清風。遠自江上移。念彼因依久。合植永不離。曄曄甘蔗華。偏承雨露滋。修莖擢雲高。密葉蔽日虧。菖竹在其下。掩抑無奇姿。上有滄浪

天終歲無由竊。草木亦有遇。寒暑亦有時。一朝霜霰零。榮枯知爲誰。寄言謝甘蕉。安用相凌欺。

幽蘭出澗底。芝草離其旁。根荄雖各異。華秀亦相當。如何逐羶人。謂蘭爲不香。徘徊欲採芝。惡此蘭芬芳。芝採蘭當棄。恐于同類傷。遂使雙明珠。並委瓦礫場。萬物各有遇。彼此詎可望。聲名固相埒。用舍兩不妨。豈與採山者。同此嫉妒腸。

我有一匹素。織成白練絲。皎潔含霜雪。文巧蟠蛟螭。欲致玉堂前。裁爲君子衣。三年候君門。來往無人知。知者不得言。對之空傷悲。勸我加染績。且復與時宜。染績諒非難。恐失本來姿。本來一以失。欲復終無時。寧令素絲棄。勿令素絲淄。

端州有良珉。陸離光正紫。搜奇窮溪潭。采石獻公子。襲以錦繡段。登之白玉几。市人不可見。但聞公子喜。路有披褐人。自言懷者美。立諸五父衢。投人人不視。言欲謁朱門。試與公子比。客聞大擲榆。玉石那可似。問客何由知。以意揣云爾。嗟嗟市上人。耳食類如此。

市有淘沙人。皇皇穿通衢。志在沙中金。豈顧溝中塗。所得多瓦礫。時一遇珍珠。雜珠

瓦礫內持以售。賈胡主人置不顧。傾筐委城隅。豈知明月光。照耀海內無。所遺適不幸。遂與瓦礫俱。如何終棄捐。曾不少分殊。賈胡昔何智。今日何其愚。

食荔枝

荔枝未識閩江味。予久在閩不飽食願封駐驛時絳祿可憐紅映肉。玉肌真羨白凝脂。楊妃捧玩應輸色。坡老形容頗費詞。更說增城種奇絕。海南游棹莫教遲。

同曹素臣入羊城紀事

崧臺歷歲任沈浮。老友邀同羊石游。牡蠣牆高知近市。荔枝陰合一維舟。駕風海舶來東島。粵人望東洋船入夜蠻商徧酒樓。古寺最多官最冷。與君耐可度清秋。

過三水驛卽事有感

丙戌之冬與粵東兵戰於三水敗績而北兵已入羊城

三水城南野草衰。昔年此地門王師。可憐鍊騎長驅日。正是戈船苦戰時。驛吏夜聞摩劍戰。海天陰見列旌旗。中丞刺史同舟死。林中丞名佳鼎夏竦名四敷俱戰死不死胡塵死更悲。

病

小閣雨中闕。官閒病亦宜。燈清鐘動後。蛩弔藥香時。積瘦傷於茗。新羸患在脾。床頭憑遣悶。一卷放翁詩。

藏山閣詩存卷十終

藏山閣詩存卷十一

桐城錢秉鐙飲光著

龍溪居士校刊

行朝集已丑

廣州雜詩

上將輟回震海隅。追封寧夏寵誰逾。李成棟死嶺北追封寧夏王藩王慶弔朝儀定。郡吏

逢迎禮數殊。鬼馬烟銷遺寶鐙。甲馬數十隊以綵佳人大火化着珠襦愛妾數人皆令

用夷禮共驚使客郎官賤。出入偏從甬道趨。甲客皆從東角門入某以使客不赴

紅旗影颭角聲喧。南海牙高留後尊。秋至將驕誰出嶺。日高人沸一開門。有司心厭

王官賤。除吏書愁幕府煩。永和不出嶺莫怪總戎難節制將軍原未識君恩

寶豐出鎮許分疆。寶豐屬成輝也出鎮韶州許州祖餞幢麾擁道長。鸞爵頗疑藩吏

賤。輸錢爲助嶺軍裝。懸知節鉞輕難制。即恐關門棄不防。巡海歸來薛刺史。量移同

去色淒涼。海道薛宮出巡有謀其缺者改南韶道去

嶺南財賦罄徵求。使者還勞費括搜。學道校士專爲水和措餉仗節仍稱周內史。醵錢祇給粵諸

侯門前桃李。誰爲主。海底珊瑚已盡收。騎馬健兒能荐士。上供曾否到端州。

使客投閒臥海濱。輜車相過半交親。故鄉歸去衣皆繡。南粵游回囊不貧。受職莫忘

明主賜銜恩。況是歷朝身。漢廷吏道兼文武。豈畏兜鍪勢逼人。粵東藩司多吾鄉人。曾由武職改授今官。

弔忠詩。海南死事甚多。偶憶所聞述之。

寸磔常山痛未休。當時成敗總難謀。出師不戰身空死。報國無能志已酬。事轉遺孤

猶畏害。公遺孤猶爲。粵督事所忌。尸分列郡豈全收。嶺南反正渠凶戮。底事忠臣尚有讎。陳和國子壯。

公起兵被獲寸磔之。散其骸骨於各郡。

罵賊都門太史雄。燕京初陷。公獨大書生殉國。勇從戎。南兵烏合。知無濟。西幸安駟。

正有功。丙戌丁亥之間。粵兵爲。肘腋奸陰爲間諜。同邑與公仇者爲頭顱。虜亦識孤。

忠貌。初得公首。無識者大皆云此。誰言君父難同報。已博侯封晉迺公。張太史家玉。

人李貌。其首去太翁。所問兵敗。自刻城。侯取。誰言君父難同報。已博侯封晉迺公。張太史家玉。

端水。永龍興此抗衡。武昭。兩賢竟死粵東城。但知正統人心屬。豈料同舟頭血爭。

漢祚未衰。臣有節。國家多難。爾成名。卽今逆命終身廢。報汝當年面折情。彭給諫。陳方嘉。

謨○兩公奉詔粵東值唐藩
僭號不屈死之而粵東旋破

蘇公特達有思文指隆變後重圖擁戴勛天命未知歸聖主國恩浪說報先君危時

節勁身能死正統辭嚴義不聞空使海南多殺士在廣州者多至今此案尙紛紜蘇

州改元昭武今起家存墨以戰方從思文帝入閩拜相汀州變後蘇復擁立唐藩於廣

亂來死事幾人傳霍氏幽芳最可憐閭戶相扶爭就義沈淵取次未容先朝廷漸向

天隅小氣節驚聞嶺外偏如陳公邦彥諸君歿後姓名少識者老僧說罷淚潸然霍

一門○天然師為子言霍氏全家從容依次赴水死

書所聞悍將楊大甫驕蹇不怯入覲兩陽伯李元胤以計邀飲即席稱詔斬之

楊帥風聞已就刑天隅此日識朝廷漢家有法宜明正都尉陰謀似不經諸將強梁

謀益狡異時倉卒詔誰聽去歲戮修養甲亦以計南陽問罪功非細即恐蕭牆禍未

寧

南海有女擇配求完髮者得宣城湯生歸焉嘉其志為賦是詩

南海佳人擇配殊羞他被髮遍通都豈貪姿首求髦士欲向衣冠覓丈夫青鸞得君

偕宿昔。白頭相伴足歡娛。二毛自媿郎官老。尚有閨中好義無。

飲離臬何紫屏署中紫屏方得請終制以近藁索序

南海清秋高宴天。花燈綴雪燦芳筵。

粵人綴素繁花為燈如雪

笑予拙宦猶彈鋏。值爾艱居早避

羶。載筆客分廉吏潤。磨碑商誦使君賢。

諸商賈予為文勒石

虛名謬說今詩伯。佳句嘔心定許傳。

風幡堂同王園長侍郎茗集呈天然大師

祖堂重闢有吾師。衣鉢南來是此基。桂樓夜深香說法。菩提秋老葉題詩。鴉馴施食

頻棲掌。雀放開籠故滿枝。每快牆東接禪悅。

園長學佛得禪悅見人祇笑

時同水厄不攢眉。

光孝寺即事示湛若

湛若諱露好談奇事不必取信

棲遲直為祖庭留。寶樹婆娑滿院秋。照佛番燈通夜點。辭柯貝葉逐風收。戒壇有樹衣全化。髮塔無光雨後浮。更喜奇痴鄰居士。時時妄語破閑愁。

菩提樹下七夕得秋字同曹素臣作

是夜友人有所期未赴

使客乘槎此暫休。詞林烏鵲報牽牛。無情僧看雙星會。有約人憎獨樹秋。妾夢怕聞

清梵曉禪心。肯逐絳河流。菩提即是相思子。葉落聲動客愁。
宦拙天涯乞巧休。情同枯樹也驚秋。霜林覆殿迷河漢。風葉翻濤限女牛。豈有使星
邀鵲駕。漫隨羅什上針樓。菩提已信原無樹。色界空門儘自由。

中秋集吳中諸友於菩提樹下戲仿虎邱盛會再用秋字

月出訶林東殿頭。同人高興半吳洲。海天萬里冰輪滿。梵刹千年寶樹秋。鐘唄聲隨
歌板歇。祖師禪向酒杯求。南海供六壇邊幾處分場坐。醉後朦朧當虎丘。

飲侯商丘舟中即席賦贈

我聞武崗帥叛城不守。丁亥八月天。王西幸百官走。天陰道滑雨淋鈴。乘輿狼狽古
泥口。尙方服物詔追隨。紛紛相失竟何有。侯生老將臥山中。錦衣御幄一時供。盤羞
珍進大官羹。宮女香薰繡被濃。衛士中璫爭醉飽。龍車鳳輦去從容。三宮娛悅天心
喜。面承恩進商丘封。侯生魁梧古良將。簪纓偉顧西班牙。有時對客一揮毫。集賢學
士欽手讓。悲歌舊是梁園風。轟飲誰敵陳遵量。翠釜金盤羅几筵。腐儒薄宦生惆悵。
朝傳給事彈文雄。金給諫保爲褫濫爵覈軍功。侯生罷酒顏色動。竊恐比例還同衆。侯生

飲酒君勿疑。君之勞績天子知。即今軍功期報主。報主孰有如君奇。與君放船海珠寺。醉後且吟望海詩。

別羊城

李我貽書至云上擇日臨軒取士入館邀予速還

朝承書訊故人移。爲報臨軒試有期。去國已甘梅尉隱。好官重起木天思。星邀使節還霄漢。秋老菩提別祖師。荒寺九旬成底事。遊裝初刻難餘詩。

南海竹枝詞

南海秋來雁不飛。霜花雪片見全稀。遊人未向雷州去。臘月家家著葛衣。江邊矮屋荔枝遮。蛋戶魚蠻住幾家。二月枝頭紅似火。隔牆初放木棉花。插天高屋敞窗光。鐵栗爲楹牡蠣牆。客到有茶通不啜。一盤萸葉裹檳榔。乍晴乍雨屐聲多。深院牽簾喚阿婆。赤脚鴉頭尋買主。蠻腔會唱摸魚歌。

城中高髻學吳妝。淺髮齊眉賺阮郎。慣把秦箏彈數弄。羅襟驗取袖兒香。

粵女將嫁每留髮寸

餘覆翻作嬌小態亦多腋氣謂之袖兒香媒氏以羅巾拭股送客驗其有無

平康不用訪名姝。老去秦宮愛未渝。頻過城西聽說法。綠權寺名新剃兩僧雛。廣南僧好

家此風
最盛

當街兒女散香花。錢米堆盤臥小蛇。云是梧州三界廟。爲催還愿到人家。

舫舶携家寓海珠。寺名花裙氍毹色偏殊。番婦色最白元來番鬼經時染。黑白分明辨主奴。

其俗主白奴
黑黑皆染成

九日登五層樓望越王臺同曹素臣萬子荆潘霜鶴分韻

五層樓上北牕開。委土猶傳拜漢臺。故國河山空舉目。他鄉時節一銜杯。千重樹白潮聲上。萬里秋清海色來。遙憶弟兄高處望。天南無雁寄書回。

移寓陳思毅閣上較刻拙集

徙寓尋三徑。繡書就五車。陳藏書甚富閣偏宜美睡。姬靜是良家。瘴薄清秋月。涼生白豆

花。夜深讎較苦。一字幾塗鴉。

曉望端州

曠。踴。眞。慙。汗。漫。游。好。風。乘。夜。上。端。州。巖。城。未。啓。青。山。遠。旭。日。猶。遲。紫。氣。浮。樹。覆。朝。班。陰。不。改。草。深。郎。署。徑。難。求。君。王。合。在。五。雲。裏。好。是。晨。興。聽。曉。籌。

酬張將子給事

張名孝起吳江人原名起庚午科

宦况梧垣熱。如君冷獨殊。巷稀車馬過。門少吏人趨。奏事鬚髯戟。追班意氣孤。冰清金給事。寂寞得同無。

看汪辰初李武舟對奕

手談推二妙。一局定誰賢。算出旁觀外。思存累著前。取贏能割愛。得勢善爭先。諸將防邊久。誰將此道傳。

贈姚以式待詔

諱端錢塘人

姚生忠烈後

先公反璞死庚難

供奉意全違。蠻峒家難問。

寄家武岡山中開被掠

戍州骨未歸。母妻衣

信斷。親故荐書稀。視草聊承乏。何心入禁闈。

姚承乏中書撰勅

贈禹航姚孟峽

姚名相

南來皆薄宦。短褐只斯人。空向蠻煙老。難分嶺樹春。

姚未化

刀頭真不死。延頸受刀刀。

起樹後復之得免

酒興豈長貧。落落同門友。方爲獻納臣。

姚與道隱相依最久

王生行

王生名雷荆門州人昔在吳過難時極爲生凌儀今官部寧歸見于殊劉詩爲解之

生平讀書鄙范雎。秦報怨志何卑。安國老秃容獄吏。死灰復然寧介。意況我與生。萍水遭窮途。膜外何足異。徐公一飯今不忘。徐御史生也。意烏色難當。患難逢人。覓顏色。盛氣相加近不得。昔時見君多怒喧。豈知君意極可親。王生多媿吳中事。吳中來者皆故人。

放詔歌

親征詔草已一年。親征詔書今始宣。詔下百官同拜舞。即時雷動邊庭傳。諸將接詔勇十倍。南軍奮臂咸爭先。白頭光祿喜還泣。踴躍獻頌情可憐。陸光祿起頌君不見光武廟堂足戰勝。六龍時出親臨邊。當今天子正神武。園陵載污腥羶中原望。幸兩眼穿九重。那得安餐眠。小臣乘夜秣瘦馬。整頓轡勒轡與韉。從戎草檄老足用。執爨前導軀可批。復恐此詔仍故事。此馬依舊騎朝天。

聞上御文華殿親政小詩恭紀

傳道文華殿。君王政自爲。親同宰相決。兼命諫官隨。賜坐香鑪近。還宮蠟炬遲。聖朝機務密。那許小臣知。

夜過道隱寓中

避人新病後。乘月夕郎家。獨對一樽酒。重生殘燭花。諫章聞又草。國事日如麻。莫謂直聲著。君恩未有涯。

嶺南留後入朝紀事

元戎觀闕偉。營纓召入東。班色迴驚。武更改入文。班邊吏初知黃屋貴。宮臣還向直廬爭。詹尹黃奇遇郭之奇以小嫌和訐朝廷有體。寧宜褻藩鎮。何知自使輕。莫怪諸侯多跋扈。此曹駕馭本虛名。

聞謗

有要人中子于李金吾者將辱之朝班與東三德以告子

貝錦班行構。讒人計亦愚。所關傷國體。不為惜孱軀。志士終難辱。微官豈待驅。明朝拂衣去。幸謝李金吾。

臨軒曲

上御極之三年行在史館中乏員內閣輔臣黃士俊殿起恒奏請考選桂林留守置式結疏薦部屬臣某某等堪備館職于是禮臣黃奇遇等議倣唐宋開制科取士有詔廷臣三品以上各舉所知鄉貳等自舉其屬衆送吏部又勅家臣妥清會同禮詹翰諸臣嚴加考核取及格者若干人孝廉

知名未仕者亦與焉。以冬十二月二十四日臨軒親試經藝。三道策論各一道詩一首。取中八人授翰林院庶吉士。官小臣庸劣。溢與茲選。敬成口號二十章以志其盛。

從龍初沐聖恩波。詔選詞臣闢制科。格外郎官叨與試。本朝異數恐無多。謹案唐宋制科以登館閣蓋于進士科外開舉此科召試職官有譽望者又號大科

經年廷議許臨軒。今日真承聖主恩。囊筆曉趨雙闕下。恭隨臚唱入端門。臨軒歲久輔臣申請始允行屆期上常服御門百官俱吉服侍臣等素服候于午門外鴻臚寺傳呼臣等始雁序而入

袞衣黃幄殿中間。玉几憑臨咫尺攀。跪近爐煙宣履歷。分明覲面識龍顏。鴻臚寺引增上逐一唱名當殿跪奏履歷籍貫

面對安詳霽聖容。香煙深處閃重瞳。天心可否無人識。御筆高低點不同。面奏時上徐用御筆點名點有上有下內出圖書二方付兩輔臣視點上下分朱黑二色

鈴其名朱者文曰資俸足黑者文曰資俸不足疑有優劣于其間而實不然。然唱罷勾臚肅仗齊。小臣分號殿東西。千官班靜相公出。恭請天恩御賜題。點名畢分東西統編

坐殿之兩廡輔臣出奏請題

內外關防視鎖闌。金吾傳奉凜天威。書生選卒尋常見。爭似銀貂共錦衣。坐號既定每員命內

更一人金吾一人監視巡綽校尉供役隔席不得耳語

內臣黃帕捧書來。香案從容信手開。遙見閣臣承旨起。御題擬就聖人裁。臣等拱立候題久之

望見內使捧書置案上。上信手摘數葉付兩輔臣。疑題輔臣承旨起立殿東隅。會擬畢呈上請裁奪。

麻紙龍文拂案黃。欲登宸翰費端詳。猶防次第違經傳。口詔傳宣有巨璫。題呈內侍進黃紙一

道上斟酌再三始用墨。筆親書額下。又諒近侍口傳移論語題居中。肅前

蹕聲起去。暑將斜。老筆難矜舊有花。日暮大官勤賜膳。傳聞輦駕在文華。上起御文華殿臣等

始就坐。午後賜百官宴。併賜臣等麪食一器。已賜湯飯一道。至夜復賜粥一餐。給燭一枝。

詞瀾正倒夜偏闌。中使頻催蠟燭殘。帝輦欲還宮漏促。花磚隊隊宿鵲鸞。上留文華殿命中使

催卷臣獨後。完百官露宿候臣等事畢始同出。

當場灑筆慣驚人。錦玉圍觀訝有神。剔燭細書光武論。內家也解點頭頻。始催卷者數輩訝臣

運腕甚捷。寫至光武論有嗟歎者。

分衡早勅玉堂僊。夜半簾前忽放還。獨召閣臣留便殿。堂餐直被禁中傳。先是兩輔臣奏允詹

翰諸臣同入閱卷。夜分盡勅遣獨留兩輔臣宿文華殿。宮中賜臥具黃衣小醫司飲食關防特嚴。

侍臣收卷上親臨。慚愧么麼費聖心。謄錄諸生落帑賜。同朝爭羨主恩深。上坐便殿俟收卷畢

還宮取筆慶府學諸生書畫者充謄錄生給以帑金

未央宮闢卷初呈。內殿班齊賀聖明。面勅言官嚴檢舉。當軒拆號御填名。二十五日暮鴻臚寺

傳齊各官侍班上出御文華殿輔臣將閱過卷分上中下進呈拆號上詔科道官面署情弊以示至公每唱一名御筆親為填寫

中興特重玉堂賓。固請加恩放八人。不是聖朝恩太吝。分明珍惜寵微臣。既拆號過六卷遽命

已輔臣再三奏請更允兩卷合得八人

最憐新進與同升。郡吏曹郎籍漫憑。曾荷相公援例請。聖恩特賜一條冰。中式八人俱改庶吉

士輔臣以臣等資俸或深引先朝推知考選例請授編檢上云此朕特典與考選不同竟令臣等皆從庶常起家

曠典能無舊例違。榜頭端屬首揆掄。即居盧後猶疑忝。盛事寧堪第一人。臣為次輔所取士而

榜頭出元輔門舊例如此

煌煌手詔夜深傳。八士同時入木天。纔是國恩難報日。旁人莫漫羨登仙。榜放之後上親瀛宸

輪勅內閣吏部朕親試取中劉蔭錢秉璽楊在李來吳龍皆姚子莊余弘猷楊致和等皆即授翰林院庶吉士官特諭臣等恭親御書端楷嚴整仰見聖意至詳俱也

勅使凌晨候謝恩。口傳天語浹春溫。榜中怕有馮唐老。為報青年慰至尊。謝恩之嚴上遣小使

出規臣等老少傳報天意怡悅爾自御極來僅有此嘉

新恩初許禁中行爲謁先師閣吏迎再拜中堂前致謝共稱天子讓門生臣等授職後始得至

閣前一拜先師謁謝中堂

賦得舞千化洽應制限東字

聖代敷文四海通。天波無復限西東。星辰不動旌旗色。千羽全收戰代功。是處江山歌帝德。到今谿峒識華風。聲名豈直南方漸。萬國衣裳取次同。

榜後謁謝中堂元輔順德公

九十端揆髮盡蒼。先朝鼎甲舊平章。威儀髣髴窺紗帳。典故森嚴說玉堂。入館輩分驚鶴序。同門齒綴鴈鴻行。公言館中同年序齒而前後輩特嚴自言及第先歸院。後進從容問庶常。

謁謝山陰師值五十初度竊覩御賜斐疊敬呈二首

書生新謁相公尊。再拜中堂故事存。自詫榜居蘇軾列。豈期薦出少師門。老纔入轂驚知遇。慶值懸弧覩聖恩。閉閣悄然無賀客。數株桃李照庭軒。吾師遇主早登庸。嶽降佳辰帝眷濃。滄海波濤勤捧日。蠻天瘴癘久從龍。袞衣不受

三孤命。鐵券堅辭五等封。公晉官銜尙國厚纔及門牆隨上壽。尙方珍賜慶遺逢。

同門李我貽二十初度

李生今二十。射策早成名。滿路看新貴。同門媿老兄。君恩初度日。朋酒故鄉情。報國
茲晨始。官班豈足榮。

紀夢

萬里松楸逼歲情。頻宵入夢迴心驚。謝恩親辦春曹服。臨軒前數日夢先君取禮部服色謝恩入穀兄
覩仙榜名。又夢亡兄伯至告曰臨唱果輸元輔荐。劉出元輔黃門下宮衣不賜庶常榮。庶常故無

同曹素臣中翰守歲分韻

邸舍圍燈老友俱。五年蓬轉尙天隅。君王恩重身難報。兄弟情深夢豈無。徹夜吏人
調玉珮。明朝班次近香爐。舍人亦在龍鱗側。共整簪裾候曉趨。

藏山閣詩存卷十一終

藏山閣詩存卷十二

桐城錢秉鐙飲光著

龍潭室主校刊

行朝集庚寅

庚寅元旦早朝

行宮佳氣曉氤氳。鞭靜臚聲天半聞。祇怪身偏依紫極。不知班已上青雲。殿前鹵簿儀初肅。花外鷓鴣曙漸分。拜舞翻增京闕恨。幾時萬國共朝君。

舟中聞新命有作

新命驚聞邸詔傳。遙從鵲首拜爐煙。朝廷多難叨非分。史館無人與備員。報國祇餘垂老筆。成名偏在播遷年。詞林故事咨前輩。此日承恩絕可憐。

教習三年典故存。遷除有例相臣援。讀書特荷臨軒寵。初以特典授庶吉士入館讀書供職真因視

草煩。特命承乏詰勅吾道艱難羞破格。聖朝浩蕩易承恩。詞頭久襲絲綸體。珍重王言報至尊。

酬曼公前輩枉賀用韻

宮衣叨著主恩新。笑向同門拜後塵。幾郡偏安稱太史。千秋正統忝詞臣。龍眠流落悲三子。並鑑在鳳沼從容有二人。早望趨朝開史局。毋煩詔使往來頻。

梧州雜詩永曆四年正月雄關失守上移輝梧州臣等屈從

跋扈南雄將。新年果棄關。君王御便殿。召對及卑班。萬乘應持重。兩宮未敢攀。獨憐彭御史。抗諫動龍顏。召對之嚴。羣臣皆以軍機不

此將背移鎮。吾知棄嶺逃。比肩難節制。飽肉且旌旄。共有登壇望。寧甘乘障勞。身先

諸吏士。惠國爾功高。初羅成規不肯出鎮。當事重賂之乃行本與未和同出惠國部下故不受節制

聖駕真難動。人心繫去留。連朝驚羽檄。有詔御龍舟。禁旅因時寵。綸扉獨坐愁。大內

獨兩輔臣坐閣中內家燈火盛。向夕燦中流。元夕內臣

側耳羊城信。穿烽二使來。劉遠生金銀奉詔開藩鎮。泣風門海船回。初有棄城航海者為風折回始

定死守計事。變知天意。時危有將才。長城真可恃。駐蹕漫驚猜。

將帥加專勅。今晨百道飛。如何罪已詔。立待吮毫揮。義動三軍憤。功憑一紙微。頗聞

李公子。開讀淚霑衣。予承乏草勅相國首以罪已詔見屬李南陽元胤惠國嗣子也

遠有蒼梧幸。淒涼別小樓。喜無游宦樂。得上舍人舟。予初未具舟艗中書失件聲杙
識飽帆夜。永收暗中勤。惜問車駕在。前頭。

衰草荒山岸。宵分野燒紅。從官時遇盜。宮坊蔡之俊驚戰已論功。樹黑蒼梧近。江清

灘水通。同時迎駕者。安足一軍雄。馬安定駐梅慶

端皇陵寢近。上謁小臣從。金殿晨開鎖。黃衣夜掃烽。江山近帝蓋。松柏慘天容。下嶺

還瞻望。祥雲已盡封。謁興

請對真何事。寒蟬此日喧。露章承內旨。詔獄見君恩。負國罪應得。除奸功莫論。虜氛

還咫尺。朝局已全翻。上甯駐蹕廷臣遞請對劾奏袁彭年劉湘

詔獄非仁政。況逢離亂晨。從龍寬典得。請劍小臣頻。一時末僚皆狼狽悲同類。艱危

附黨人。山陰真相國。申救跪沙濱。山陰屢遭諸公指摘今

桂林留守重。奏使亦頻來。咫尺青驄返。頻煩白簡催。御史吳德操自桂廷爭猶未息。

聖怒已將回。好是微恩放。休稱蘇軾才。留守特教五人疏詞過激

獨樹維舟處。聯檣並楚儉。同官應有疏。入獄自傷情。同官有公疏事定交如舊。天回

論漸平。淒涼金給諫。破舫聽人爭。金堡被逮僅存破舫為繼駒牽去

執政今何日。山陰又閉門。未須論相業。且莫負君恩典故。詞林重綸音。國體存小臣。

有封事。職在敢無言。時金鑒王化澄在政府一切徇私不諳衙門典例小疏爭之

僻處朝廷小。虛名禮法持。誰迎鄖國至。即商必正不救粵東危。元老盈廷謗。書生一語移。

闕前爭論日。大體幸毋虧。鄖國入現有欲借之驅山陰者以黨五人為罪予曰五

遂寢

廟議幾時決。滇南使久羈。請封恩莫惜。矯詔罪何辭。屬國天王凜。朝廷豎子欺。臺中

諸御史。肯一問狐狸。陳邦傳遺胡執恭問道入滇矯封秦王貽忠至今其子尚在麓下大言

鎮峽關門破。傳聞大將跳。內播諸寨主。鄉導各山搖。永國曹志建控鎮峽關與楚塞土人不協導敵人襲破

險從失。胡兒馬未驕。勝未敢入關休兵圖轉戰。還恃冠軍驍。

粵東頻奏捷。驍銳並爭先。醜虜孤城合。登弧匹馬牽。大將張月李建捷等屢出斬虜將定需堅壁壘。

切勿恃樓船。舟師吳文獻屢獲奇捷初杜永和謀棄城航海伺再舉西路援兵下。胡為不肯前。

兩粵嗟新敗。朝廷波浪中。守藩宜有罪。司馬且論巧。賞極復何勸。恩叨豈覺隆。灰心

百戰將封與爛羊同。時兩粵用師司馬

遠聞洪少宰父子喪高州。少宰洪天耀客高州守將罪難問先臣卹豈酬久知卑制

使竊恐效諸侯近地還如此。輶軒咫尺愁

端州兵不下返旆禦淮侯。忠貞營裨將劉國昌莫問粵東急須防內地憂督師真失

策釀禍至今留受詔虛糜餉。何時厭爾求此兵出至今為忠

朝睹南陽奏強藩已就擒。棄城知法在問罪見謀深帳外軍聲寂懷中帝詔臨兩年

三授首真是快人心。李南陽以計擒逃將羅成權稱旨

西來呂相國聞喪獨松州。戀闕情空切收京志未酬難將天意說不慙老臣留寂寞

綸扉內先朝幾白頭。呂相公大器趨朝卒于獨松州

黔陽書訊主相憶幾經秋。入蜀告兄在籌滇刺史憂中傷憑絳灌外議重錢劉節鉞

危時賤何心向汝謀。得吾家開少及劉晉仲說

閉門堅請假吾道欲誰親。瘴癘安蠻俗班行畏蜀人遷除亂日竊功罪幾時真寄語

程司馬餅師淚正新。聞司馬程源強

學士逃榮久。三年不押班。堅辭李泌相。敢戀謝安山。蠻峒家初寄。中書詔且頒。倘微

開史后。予豈望投閒。

方閣學曼公力辭詔命請以修史自效予方爲中堂所嫉擬乞假去

小舟三伏遇。避熱苦無方。遠汲餘冰井。

梧有水井寺水稍清冷

虛名愧玉堂。更愁秋雨毒。頗憶

桂林涼。乞假疏三上。微恩附野航。

聖德詩

文帝貴止輦。太宗寶魏徵。古來神聖主。皆有納諫名。我皇仁且孝。不大色與聲。小臣叨侍從。竊覩神采英。大帥對失措。聖度和且平。所以諸藩鎮。見者識中興。給諫觸太后。愚直氣以盈。舉朝請加誅。受杖罰殊輕。及與羣臣語。往往歎其清。瞿相老崛強。遇事上書爭。溫綸皆手答。曾無勉強情。去年獻史卷。擬同金鑑呈。今復問主上。還經御覽曾。所言過慙直。左右因相傾。上言實未讀。朕殊有愧卿。從此事披閱。勿負諄諄誠。舉朝歎聖德。臣等實不能。虛懷本天授。皇哉我聖明。

劉同庵生日次諸公韵

主恩新遍百蠻春。碧海青山祝老臣。萬里一舟淹歲月。十年雙眼暗風塵。波濤辛苦

驚初出。鷗鷺浮沈本自親。令弟生還逢嶽降。稱觴扶病也怡神。時客生初出獄

初度日承蒙特丘金道隱枉詩見贈用韻奉答

犬馬衰辰病裏過。雙篇忽墮寵施多。未妨李白樽供奉。敢比蘇瞻占制科。來詩云顧我劣輸佳句法。悲若生荷聖恩波。時初解詔獄舟中得假堪酬唱。興罷朝參冷玉呵。

葬丹陽賀元熙

伊昔閩中散。同人杳莫攀。追尋到山寺。予在寶坊為元熙拉出慇懃度梅關。捧檄居然別。移舟

竟未還。元熙奉命出嶺留滯梧州而歿一碑題姓字。千載此青山。

哭同年楊庶常三首

之子黔陽彥。同門最少年。主恩傷賈誼。吾道失顏淵。紗帳頻聯坐。花磚亦比肩。修文

寧不足。奪我玉堂仙。時區從死者甚多

纔驚君臥病。易簀即茲辰。不聞維摩疾。誰知原憲貧。苔痕侵枕席。藥物客同人。得大

一服可不死予為乞諸張宮諭不獲握手牀前訣。傷心託老親。臨死以老親見託

八人三散失。爾歿更蕭條。素幔孤燈耿。桐棺萬里遙。名成多難日。死在聖明朝。身後

母勞念。君恩敢代微。

永井行同李我貽作

蒼梧江水澈底淥。兩江合流中有毒。三月桃花瘴氣濃。飲水者死沿江哭。郡城北郭有冰泉。買泉一石需百錢。李生邀我看泉去。井方一文亭十椽。下見水深不盈尺。取泉試酌神爽然。髣髴坐我惠山下。又似楊子江心金。山顛山僧供茗白。無色酌罷冷如御。風仙嗚呼此泉去。城不數里如何甘飲江頭水。城中居人不識泉。日飲江水偏不死。

章北院行

公名曠字子野
號峨山華亭人

昔年避難遊雲間。章公脫身涉陽還。人言洶洶匿不得。翻然投軀誓馬革。天子親征駐湖南。賜公節鉞收湖北。昔何巽懦今何雄。能騎生馬挽強弓。身先士卒親搏戰。身死人稱章北院。

鄭將軍入對歌

即國公高必正入覲擬歷論時政召對
龍舟皇恐不得一語惟叩謝上恩而已

將軍趨朝求召見。天子傳宣御水殿。將軍廷辨聲怒噴。百官拱手顏色變。中使促對

上龍舟有事面奏香案頭。舟中天子東面坐。將軍俯伏汗交流。汗流浹背猛氣沮。詔謂將軍從容語。鱸烟移近再三陳。但聞誓死報明主。叩頭再拜出君門。憶起胸中未盡言。天威咫尺說不得。始信君王是至尊。

沮封篇

頻執恭矯詔封孫可望案王已知不由朝命可望遣使頻請意在得案高必正入朝呼其來使以大義責之

去夏遣使册封滇賊臣矯詔封使還滇人請命求國號。廷議可否將一年。國號擬上上未允。鄭國將軍來朝天。將軍入朝沮封議。舊主封者誰敢異。坐召滇使謁樓船。詞嚴義正色凜然。自陳已罪犯京闕。汝曹徒擾西南偏。聖恩赦我寧有汝。與我同心報明主。本朝異姓無土爵。上違祖制誰敢許。鞭弭橐鞬足周旋。汝曹勿欺天子屏。滇使叩頭唯唯退。舉朝爭歎將軍賢。將軍此議真不朽。滇人聞言能信否。爲語使者復命歸。勿謂議出廷臣口。

空船行

爲金道隱賦道隱一舟爲張鳴鳳牽去張子在舟墮水死鳴鳳隨殞此舟遂爲凶物

給諫被逮身蕭然。身外長物一空船。金吾求賄苦不遂。破船估值十千錢。董生謂紫峴守船陳苦詞。此船留裏給諫屍。姚髯謂孟峽仗劍船頭坐。腐儒可笑又可悲。須臾攘臂

牽船去。兩生抵死留不住。金吾移住空船裏。有子十齡旋墮水。傷心臥病未經旬。襖被無功金吾死。共驚凶物無人留。空船棄置江東頭。給諫放回沙上臥。送船與渠渠不收。

哭會稽董孝盡

孝盡臥病予往視之自言必死乞一詩以瞑目

蒼梧瘴癘連朝惡。終日哭人淚未乾。萬里避胡同作客。一時歸漢爾無官。孤舟得病扶持少。蠻郡求醫藥餌難。垂死尙祈詩瞑目。詩傳泉下益悲酸。

輓彭職方妻死難

職方諱焱字然石儒人胡氏

楚天無處不風塵。閨閣傷心効死頻。豈有衣冠皆媚子。偏從巾幗見奇人。蛾眉數入仙郎夢。鳳詔虛霑大上春。職方妻死初不知正諸誥命腸斷吳江殉節婦。因君哀挽痛如新。予妻方安

人乙酉殉難辰釋

哭晏雲章

諱適明湖廣黃岡人

春官同舍饒文藻。自入蒼梧涕淚頻。禮曹喪者四人踏蹬去年垂翅客。同墨不遇伶仃今日白頭親。太宰清僅得哭聲萬里孤舟夜。墓草千秋五嶺春。海內詞壇零落盡。唱酬此

後更何人。

哭董紫帽

諱雲與人

蠻鄉淹瘴癘。閩海共艱難。紫帽在閩與子同全髮入粵皮骨殊方老。神情白晝寒。辭榮求遠使。諸

出聯絡破格拜天官。報國時甘忤。今存時思親淚未乾。九原留髣髴。萬古葬衣冠。久

蓄南還。纔開箱。不忍看。

為金道隱給諫請改戍得允
投荒不可去。為叩九重闈。遠道亡童僕。道隱僅一殘軀負杖痕。罪甘烟戍死。帝念直

聲存。雨露真祈得。同朝並荷恩。

相國諱起恆

七夕同彭然石職方集山陰相國舟次
江雲暗七夕。官燭伴孤舟。夜半一杯酒。相公新白頭。方亂難求去。無山可乞休。座中

楚司馬。不用苦悲秋。

然石方失志求去予亦乞假

得假同朱御史不敏西上

苦憶虞山秋氣清。病中得假許西行。灘當險處風偏怒。客欲眠時月倍明。促織連江

吟次第。長魚裂水擲縱橫。泊船喜藉霜威肅。睡着開篷迴不驚。

中秋夜至桂林喜晤曼公鑑在

苦憶朋簪趁客船。恰逢良夜聚樽前。風塵豈意存吾輩。鬢鵲休驚異昔年。蟄地久居秋乍冷。故人相見月偏圓。亂來此夕皆堪念。震澤雙峰最可憐。乙酉厄于震澤。予病臥順昌僧舍。令節扁舟若與期。相逢猶怪客來遲。繡衣軀幹經時偉。學士歌聲自昔悲。老去弟兄惟縱酒。亂中年月已編詩。龍眠秋色應如舊。今夜何人賦所思。

桂林壽劉客生次諸公韻

維舟旋值旅樽開。似爲茲辰得得來。鬢髯可憐新出獄。江山如此好銜杯。風波得伴應相恃。鷗鷺同羣莫漫猜。看取七星巖畔月。清光今夜故徘徊。

留守生日用諸公韻

閩外平章鬢欲蒼。胡牀嘯咏興清狂。起居未肯隨蠻俗。風物稍憐近楚鄉。座上稱詩同放逐。客生道隱。皆聚桂林。帳前行酒盡冠裳。秋成勿使催科擾。願聽農歌一舉觴。

幕府清秋興可憐。開樽召客共籌邊。桂花自獻東臯酒。公在桂林城外築別業。號小東臯。新月愁含

楚塞烟人世榮名兼將相。半生出處授神仙。有仙授公秘函一切事皆預定其內明年此日知尤健。擬薦江心第一泉。

龍隱洞九日

洞廢久矣別山司馬副去荆棘載酒于此

司馬搜奇汎菊杯。靈巖生面喜重開。懸崖昨日攀蘿上。古道今朝並馬來。勒石勲名空歲月。磨碑黨籍長莓苔。洞有黨人碑元征蠻諸將多紀名于此千秋不數龍山宴。幕下誰非作賦才。龍隱洞七星巖之前兩崖壁立仰視洞頂有龍跡其下水聲湧激如在三峽中盛夏泛舟于此涼氣逼人毛骨

遊龍隱回夜飲楊武陵宅醉作

名國棟四川人

久拚文酒老天涯。令節招尋秋興賒。纔放白雲辭洞府。更邀明月醉侯家。樓船自昔推楊僕。幕府何人議孟嘉。莫道落英無可泛。筵前秀色正如花。公有青衣名如花

小東皋卽事

洞口移舟日暮回。秋香引屐入蒼苔。松風滿院雙扉閉。海月當軒一樹開。小憩屏閒言鳥罵。長謠竹外野僧猜。呵騶且近予歸去。有興重期載酒來。和彭然石西上舟中見懷之作

自別蒼梧雙眼清。思君待月幾回明。騷壇亂後餘同調。桂棹秋來悔獨行。帷幄伴愁雙釣艇。梧州先俱繫舟山陰公舟後班行側目兩狂生。詞林忝竊真慚汝。佳句深吟倍慘情。

別山草堂

本朝相業數江陵。奕世重瞻司馬興。老向沙塲渾是胆。閒棲丈室已如僧。秋風野曠三間屋。靜夜籬疎一點燈。此地賴君留嘯咏。肯容胡騎尙飛騰。居正湖廣荊州人字受遺柄政一以尊主權強國勢爲務有古重臣風卒諡文正

侍郎別業敞江汀。薤草編籬帶七星。草堂正當七星巖醉倚巴童揮露布。時留楚客續騷經。燈前新髻軍中小。白檻外諸峯雨後青。但設琴尊君自去。柴門松竹不須扃。

桂林山水歌

桂林城外山色秋。桂林城下江水流。山青水碧看不足。可憐僻在天西頭。巨靈仙斧有何意。巧思偏聘蠻荒地。此山離立無岡巒。拔起平地指天寒。疑是春雨筍齊迸。滿城栗栗青琅玕。居人惟知獨秀峰。峰在靖江親王宮。遶峰高下聊粧點。亭榭闌干相映紅。諸峰相望誰優劣。峰外山山總奇絕。是石蹲踞即爲門。何山竊窕不成穴。穴穿

光透自玲瓏。策杖携樽處處通。星羅隱見日。莫道風洞恰當風。星羅風洞最稱奇。其餘佳境幾人知。古道蒼蒼苔草合。棘刺藤梢咫尺疑。昨日張翥往搜得。司馬搜出別有天地豁然披。乃知古人剔奇無不到。峭壁宛鑄元祐碑。石壁有元祐黨人碑。我搜一洞已如此。此洞之外應相侔。從吏爭從水際尋。老僧更向雲中指。山靈出現合有時。剪刈開闢從茲始。

伏波祠前歌

伏波廟桂林府城東北宋封為靈濟王

伏波門倚天生石。伏波祠前潭水碧。祠依石勢憑虛空。下窺潭底深千尺。潭中舟楫聚何多。祠前夜夜還笙歌。我來再拜將軍像。張揖注目宛相向。嚴關已放戎馬過。將軍坐視當如何。嚴關在桂林府興安縣兩山對峙稱險隘

灘江泛舟行爲楊武陵賦

灘江桂林府城下一名桂江兩岸皆高山峻谷

桂林好客武陵侯。邀我九月陵山遊。陵山酒罷月初出。乘月還泛灘江舟。水清沙白石磊磊。小艇一雙放上流。酒船坐客歌船並。隔船小伎司酒籌。絲管啁啾鼓吹亂。忽然聲絕揚清謳。是時天氣方高秋。四山蒼蒼煙霧收。中流放棹船不動。聽曲大魚低

昂浮曲終月皎四方靜。更鼓聲聲城上樓。城上人語不敢睡。城門不鎖徹夜留。城邊怪石如人立。醉中認是侯家驕。侯家勸客樽如卣。夜深客醉勸不休。主人一飲盡數斗。坐客何人堪獻酬。送客歸去月更好。洗杯對月回船頭。我時醉臥還側耳。笙歌水上悠悠。

虞山歌爲留守相公賦

虞帝祠桂林府城北舜山即虞山也

虞山蒼蒼日初薄。松風江水濤聲合。我乘清秋拜舜祠。丹青玉殿何寂寞。自從中國污腥羶。冠裳委地紛可憐。羣后二妃有何幸。冕旒環佩粧儼然。問此半壁爲誰有。烽火曾經百戰後。焦侯周帥再全城。論功指縱歸留守。留守坐嘯不臨戎。從容袖手驅羣雄。兩雄忘軀爲誰戰。感公忠義成公功。公于此山有天意。南來早授神仙記。授公諸記函盡開。吉凶一一分明示。以茲聽運意常閒。許公今歲錦衣還。還時却別此山去。更入吳中尋舊山。吳山名與粵山共。粵爲虞帝吳爲仲。公以在粵家在吳。兩地山皆以分重。山川賓客藉公傳。銘公應在虞山巔。梯升學士如椽筆。併紀同游高會年。

方曼公閣學擬
上絕頂勒石

桂林雜詩

桂林朱邸舊桐葉國初封恩賜親王禮宮依獨秀峰朝趨露酒醴服御暗蛟龍府內

蕭條甚何心泣庶宗靖江庶宗最貧每使客至輒聚舟前求濟

虞帝南巡處到今祠廟荒冕旒羣后肅環佩二妃鏘薄暮堯山紫隔水一峯名堯山色甚紫臨江

楚樹蒼松聲泛仙樂疑在洞庭傍唐帝祠桂林府城東堯山

洞壑琳宮壯土人祠伏波澄潭蟻舟楫虛閣會笙歌銅柱銘猶燦雲臺畫孰多來游

諸將帥此志勿蹉跎馬援征交趾立銅柱于欽州分茅嶺下記曰銅柱折交趾滅

滇帥聲名久今知爵太尊流星邊檄至卜日上公婚趙帥應選聘于元煒女為小夫人真作室家計

愁傷部曲恩王寧遠會聘此女稍聞胡衛國匹馬備關門

好客瞿丞相蠻方秋興高為憐雙桂樹新築小東臯家伎尋常出詩篇倡和豪此生

經授記不用更焦勞有仙授公數面臨事啟一函禍福預定

張髯玉堂客報國老戎衣久辦沙場死還能馬上飛書生喜見敵老將讓臨機堅臥

榕江上師旋獨不歸

湖南江御史。臥疾伏波門。久客中湘幕。深啣國士恩。叙勞官不受。破虜檄猶存。問著

長沙敗。傷心指箭痕。

江見龍字田侯後死于南寧

撤防久不進。狡計定如何。

真帥胡一清敗回嚴關不守虜亦不入鐵騎嚴關轉。奇功鄂國多。肘應掣瓜

里。馬鄂國駐兵瓜膽故落麻河。

鄂國昔有公論中興業終歸馬伏波

嚴城容逐客。旅泊亦艱危。留守時分韻。將軍正畫眉。坐看山色好。浪作楚囚悲。斷酒

兼燒硯。丁寧跛阿師。

清絕耗林郡。偏宜北客居。病蘇秋冷日。氣爽瘴消初。也戀朋樽好。深憂將帥疎。伏波

山下權。穩泊意何如。

畫山歌同林樹本作

畫山陽朔佳江上屹立于切丹崖翠壁望之如畫

昔聞陽朔有畫山。天然幅素開絕壁。畫者爲誰古。巨靈敎法今。傳大斧劈松杉短。短緣嶺直苔草層層著。崖碧。舟子指點說仙踪。遊人欲過看筆蹟。我來帶月夜深過。月中惟見青峨峨。年深歲久絹素黑。筆精墨妙知如何。林生方舟還過此。畫圖展拓臨江水。山面分明陳向人。石色苔痕髣髴是。天工寫意良苦心。點染濃淡無不似。白雲。

淺。冒。孤。峰。巔。老。樹。側。出。深。巖。裏。空。巖。老。樹。鶻。爭。棲。聞。有。人。聲。噪。噪。起。仰。看。雙。翼。摩。天。
邊。却。視。小。舟。千。仞。底。笑。歌。者。誰。來。空。潭。潭。際。炊。烟。宿。漁。子。人。間。有。畫。自。茲。始。丹。青。寫。
寫。爭。相。擬。乃。知。人。不。如。天。奇。此。山。應。爲。畫。者。師。又。知。古。人。學。畫。求。粉。本。搜。尋。這。涉。窮。
蠻。夷。林。生。愛。山。亦。有。情。停。舟。石。畔。不。放。行。中。流。選。石。邀。我。坐。把。酒。對。山。時。一。傾。舉。杯。
遙。向。山。靈。謝。那。可。無。我。山。根。下。有。山。必。有。看。山。人。今。纔。補。足。天。工。畫。

猺獠行

昭江江邊夾板猺。茅屋架在青山腰。男。旋。女。繞。坐。不。臥。斫。取。松。明。通。夕。燒。女。兒。梳。頭。
亦。有。日。朔。日。殺。豕。塗。豕。膾。夾。板。囊。頭。髮。雙。綰。丈。夫。耕。荒。婦。採。樵。獠。女。娟。娟。溪。邊。白。鷺。
鬢。堆。漆。前。覆。額。見。人。欲。逝。如。鳥。驚。細。摺。花。裙。古。襪。積。猺。獠。亦。雜。邨。民。住。村。民。往。往。着。
猺。布。能。通。華。語。賜。以。冠。猺。中。奉。之。爲。猺。官。獠。人。並。受。猺。官。制。呼。我。華。人。皆。爲。帝。仙。迴。
洞。裏。多。猺。田。如。今。盡。屬。官。兵。佃。嗟。爾。猺。獠。奉。官。毋。犯。法。爾。不。見。仙。迴。之。猺。田。盡。沒。

昭江即事

鎮。峽。今。春。破。關。門。人。不。行。一。垣。連。楚。塞。幾。驛。到。恭。城。漫。恃。防。邊。將。先。添。守。戍。兵。昭。江。

扼要地。回首客心驚。

曼公娶妾得同鄉文戲贈

誰意桐溪女。繫繩來百蠻。綢繆會土語。飄泊有烟鬟。薄命江湖上。新妝吳楚間。蛾眉知不妒。應喜見家山。

昭江壽曼公四十

歷歲逃榮守釣磯。可憐初度意多違。閣麻屢降中書詔。宮錦猶披學士衣。報國身依丹極老。思親淚逐白雲飛。興朝大政需公出。早辦收京並馬歸。

年紀參差鴈字斜。同時鬚鬢老天涯。圍棋共許饒安石。披袞行看邁仲華。夜洗硯山聊作活。公賣書自給畫乘釣艇月爲家。公妻子俱圍集舟中主恩十召君應起。莫戀滄江負白麻。

林六長儀部生子三朝

秋盡馮唐白滿顙。昭江蚌吐一珠圓。共驚虎子生三日。恰拜龍亭祝萬年。得意雲山皆可付。繫舟書畫有人傳。試啼早辨昇平瑞。逸老全憑此輩賢。

同曼公樹木入仙迴洞訪嚴伯玉

窈窕仙源路。崎嶇秋雨餘。噴泉崩古棧。絕嶺挂藍輿。客是嚴陵裔。窗存宛委書。屯軍與雜處。可得遂安居。洞有屯軍所

到梧州界聞亂道梗

咫尺梧州路。孤臣去住愁。烽烟迷日暮。旂幟塞江流。扈從紛相失。乘輿何處求。驚聞魯司馬。無故自焚舟。魯名可漢和州人

藏山閣詩存卷十二終

藏山閣詩存卷十三

桐城錢秉鐙飲光著

總編 樓室主 校刊

失路吟 庚寅辛卯

避兵厲會汝孝廉邨中即事 謹士揭

虛有芒屨。愿烽塵塞路。除夜隨勾漏令。樹本曾令查梧同到孝廉家。蔬圃甘蔗亞。柴門刺竹

遮盈床。有書史。且得混年華。

蒼梧冬不改。爛熳見花開。水碓嬌蠻婦。牛欄瘦野梅。歲殘唯伏枕。愁絕且銜杯。地主

茲鄉望。毋妨醉尉猜。

井絡猶相雜。居人俗自分。邨姬新草屨。峒女古花裙。臘月蕉衣熱。終朝椰酒醺。此鄉

少紅樹。朱果故紛紛。

瘴熱迷冬夏。真成竄逐鄉。見人搖女草。留客醉檳榔。蕉鮓籬根美。土人樹蕉鮓宅菜

牛額上藏。遍山野牛各有所屬欲食此身總飄泊漸習住蠻方

峒口尋溪得邨邨。可杖藜樹空穿作。甌桑曲縛成犁。土人甚拙不守廨山僧婦。僧有妻始

留持門稚子妻。風俗小兒娶夫婦。經旬淫霧雨。愁煞鷓鴣啼。

同人咸集聚。異域漫興悲。姓字居停識。行藏比戶疑。客廚頻治饌。茅屋可吟詩。時倚釣竿竹。看垂百尺絲。竹稍垂絲至地名釣竿竹。

蒼梧行

梧州女兒髮雙綰。銅釵壓髻山花滿。冬夏隨時單複襦。終年赤腳脚重趼。自來禾稼不登塲。斫禾留穗收在倉。女兒又胸旋兩圓。禾實離離如杵落。箕中落實誰最多。門外蠻子唱山歌。歌終却向女兒笑。回身願與郎相抱。莫道梧州女兒醜。與郎相抱還窈窕。君不見容縣昔產楊太真。綠珠亦是博白人。昔何美麗今何惡。不習梳妝時樣新。楊妃生梧州容縣曾里梁綠珠生博白雙角山下井傍石崇爲採訪使以珠三斛易之舊井尚在汲飲者產女必麗色。

蒼梧牛多不種田。養牛成羣騎且牽。兩角相抱長七八。不信牛無千斤力。客至上山網野牛。稚牛與客作脯脩。野牛在山不用牧。特與人家僱六畜。

送人之朗寧

間道何時達。行旌在朗寧。灘盤百道險。路入萬山青。辛苦雲中鴈。飄零草際螢。因君

一帳望雪涕灑江汀。

送瞿壽明奔難桂林

信是粵西破。元公豈望生。慈孫哀毀日。小婦別離情。壽明初納姬人匍匐宵奔難。風塵哭送行。平生師友誼。盡在桂林城。

徙蒙邨見梅寄曾孝廉

亂去失賢主。逢迎憶老梅。今朝牛屋外。也見數花開。徙宅兵隨到。空城敵未來。梧城月。此鄉少文物。茅舍幾時回。

三家邨同林樹本周寒山守歲

積雨空山閉。三家老樹邨。屋斜燈火見。人靜碓聲喧。共度殊方歲。還尋故國樽。愁看唯飲泣。通夜並無言。

辛卯元旦

失路逢元日。客心天外孤。明霞瞻帝座。野服拜香爐。梧郡城空棄。潯江路罷趨。同時諸寇從。何處正嵩呼。

又一首

憶昨朝正端水間。新恩驟許躡高班。明星耿耿趨清禁。葱珮鏘鏘侍御顏。殿陛鴛鴦初識序。朝廷禮樂漸知還。行宮此日烽烟塞。悵望霓旌不可攀。

遇難得釋間道入梧州尋曼公感事得愁字

脫身無路竄。冒死入梧州。我自籠中出。君猶俎上憂。抱頭眠破被。滅燭泣空舟。萬里明朝別。遙遙天際愁。

滿血辭胡服。公以死却時服甘心是楚囚。拂廬依馬櫪。仙仗憶龍舟。灘水千年綠。梧雲萬古愁。願寧不可到。吾道合滄流。

昭江三首

光祿無家寄一舟。香爐茗碗坐江頭。沈沙不是騎鯨去。好共湘纍結伴遊。汪子白聞樂平破自

江昭

艱辛海外遠趨庭。咫尺音容痛未聆。匍匐祇拚收骨去。却銜哀恨滯幽圉。關生甫泛海省親到

昭江桂林已陷生甫間道生尋父屍道阻陷永安州獄中

失路孤臣何處奔。仙迴洞裏故人存。孫嵩複壁誰分義。榜掠甘心誓不言。嚴伯玉隱仙迴洞曼公置其家爲鄰人所發備極刑終不言曼公自出始免

得留守及張司馬死難信

桂林陷後屢登陴。此日孤城豈更支。坐嘯但憑天意穩。痴思不信粵疆危。也知滇帥空邀餉。予在桂林見趙應選索餉絕無關志却恨焦侯遠駐師守平樂聞有七人同日死。張髯以外定爲誰。觀留守諱式

林生夜夢巨舟沈。獨有吳郎水未侵。林樹本夢一舟俱沈獨青帥得免幕下幾人能脫網。危時早計豈成擒。可憐供帳盤餐却。敘送供皆却不合獨許繁囚唱和吟。司馬奮髯公擊節。從容激烈兩同心。

仙翁授記有玄機。公來粵時有松仙授記凡數函諭以急難即發視一函爲說扶公返舊扉。共信錦衣思結伴。詎知馬革是榮歸。慈孫收血奔難到。愛子趨庭志已違。仲子生甫泛海省親咫尺不得見今陷獄中傳說吳江楊義士。楊生名吳人竊携骸骨出重圍

天隅文物仗公存。多士從龍半在門。疏拙無因頻荷荐。聖明不用亦銜恩。特乘休沐

趨戎幕。爲獻新詩。實直言。予祝公詩有秋成勿使儲科掇願回憶虞山。高宴夜桂華。

明月最傷魂。右哭留守公四章

負郭秋燈聚草堂。江頭送別色淒涼。巾胥復楚功。難就張悌相。軀志竟償報國正宜。
留熱血。完名何苦殉危疆。天涯屈指奇男子。憶爾雄姿淚幾行。公向予言惟辦一死死則永失矣

下筆真驚倚馬奇。逢君酒後興何悲。雄文不草收京檄。絕命空傳罵賊詩。七日忍飢

還唱和。不食七日矣九原有伴足追隨。樽前怪爾鬚髯戟。長似睢陽嚼齒時。

榕江大帥已全奔。堅臥夢誰駐壁門。好養健兒曾吮血。更無弱息與招魂。老妻淺土

何人葬。遺稿烽中幾册存。公無子有遺稿一大卷嘗曰此即吾子也得留此足矣敢信江陵遂不祀。荆州或有

相公孫。張司馬同儼江陵文忠公居正之孫

並馬江頭向碧岑。巖龍隱日追尋。看君搖筆鬚眉動。把我新詩泣涕吟。難後尙隨

門下吏。篋中長寶故人簪。別時贈我以簪又以愛吏隨我同人屬和張瞿韵。幾度拈來痛不任。右哭張司

馬四首

潯州帥

陳邦傳無功冒封跋扈特甚素忌焦驥平樂破建奔潯邦傳僞與解和斬以降

夙昔不齒潯州帥。冒封大國殊可媿。跋扈抗命諸鎮無陰謀。矯詔中朝崇龍舟。倉卒向西巡。放兵大掠左江濱。百官扈從紛相失。道路梗塞困小臣。焦侯平榮城不守。單騎追駕向南走。祇聞假道上烏蠻。何意投軀餒虎口。潯帥乞降苦無由。要侯請解昔日仇。孟酒未終侯遇害。遣兒來獻焦侯頭。

過端州感懷

松臺

在蒙府城北定山

三載屬車傳慚愧。偷生此再經。輦路荒殘苔已碧。行宮零落瑣猶青。

可憐古殿懸孤月。仍舊孤城帶七星。

端州七星巖正帶郡後

官舍交衢燒已盡。讀書小閣是誰

過羊城紀事

不信粵東破。堅城豈望援。捷書方狎至。殘騎欲宵奔。振旅全浮海。空營始獻門。西關輸欵將。遺恨范承恩。

初羊城被圍斬殺頗衆西門范承恩陰計獻城諸將自疑遂全軍入海

羊城看曹匡石口號

諱襄字素臣

見說全家虎口回。衝波冒雨爲君來。嘯歌減盡平生興。中夜吞聲酒一杯。

羊城口號三首

都尉初降意可原。留身爲報漢家恩。三年更向窮廬拜。腐史何顏再訟冤。
春卿父子早逃榮。苦憶還鄉滯未行。一夜呼天齊額手。北來兵破廣州城。
辮髮氈裘漢大僚。趨跽羈幕候天驕。牙前叩首胡文蔚。自訴無名染僞朝。

清遠峽

清遠廣
州屬縣

南海傷心路。今晨峽口還。綠吹羅帶水。青染畫圖山。撻衆僞銜菓。跌猿夢獻環。餘生
經此地。寂寞一躋攀。

虔州有懷

月映荒城夜泊舟。昔賢義氣此中休。曾驚簾櫳羅氈帳。丙辰春予正
在圖城忽見嵯峨笑虎

頭。

虔有嵯峨城
亦名虎頭

胡運未終江右敗。將星初墮嶺南憂。樓船官舍銜杯處。回首天涯憶

二劉。

劉開同庵昆
仲入楚

到壽昌寺燈因入杉關卽事

着破芒鞋禮道場。驚從劫後覩空王。舊寺燒燬重建出家已爽山僧約。蹈海應從估客裝。老樹再生兵過驛。亂藤牢護雨頽牆。灘頭不省雙峰買。嗔怪游人附便航。

上天堂山訪隱主人不願作詩而去

出關何意再還間。擬向千峯老此身。幸有香臺堪避世。況多道伴可成鄰。嶺雲自去誰留客。巢鶴驚飛亦避人。吾道既非應共棄。莫疑物態有疏親。

天堂山看朝嵐二首

晴嵐漫漫海潮平。數點峯尖島嶼明。一派狂瀾迷大地。松風滿耳作濤聲。把茅絕頂是僧家。眼界初開眩日華。俯視下方人早起。虛空不信白雲遮。

翠峯贈問西禪師

舊住浮山老問西。何年又向此峯棲。自懸鉢袋一頭雪。慣着芒鞋兩脚泥。夜半明燈牢守塔。朝來冒雨好鋤畦。參禪撒手元無事。滿壁新詩任意題。

留別寶蓮靜室

寶蓮精舍倚山開。曳杖尋師破暑來。午夜梵音回客夢。半生心事付爐灰。未妨虎穴

頻遊戲。已入鷗羣。莫漫猜。萬壑千岩無住著。不知何地覓天台。

哭峽江曾工雲老師

峽江江西臨江府屬縣明置

凶問初傳暗裏驚。闔關跼足爲誰行。踏穿嶺表三山近。望到天隅一柱傾。滄海未能容信。感。白頭畢竟喪真卿。同時義士吞聲泣。不爲門牆獨慘情。

冰蘖清風海內望。至今遺愛泣閩鄉。身棲絕島思存宋。夢入先朝只輔唐。

公昔撫山東被逮獄

中夢入好額曰唐朝宰相閩里自來臣節著。家門都爲國恩亡。相隨猶有雛孫在。此日巢傾若與藏。

有客乘風自夏門。靈光孤殿歸然存。閩樞海上尊元老。封事天南動至尊。蠟詔未叨明主賜。麻綸猶出上皇恩。新銜鵲印隨頒給。曾慰孤臣萬里心。昔歲謬叨漳浦荐。主恩特詔試天官。書生不以先容進。國士偏承破格看。一命濫參延郡幕。三年竊戴侍臣冠。同時知己捐軀盡。每念師恩淚未乾。

松庵聽雨酬關主

五載松關夢。今來夜雨時。老僧能好客。高足喜聽詩。茗罷挑燈細。香殘上榻遲。半生

踪跡異。未許俗人知。
炷香相對坐。掛壁有蒲團。竹屋雨中矮。松牕靜夜寬。道心多難定。世事與年殘。獨笑
耽詩癖。行吟興未闌。

壽昌卓庵師指入匡廬尋隱輒步來韻

前身曾似住廬山。瀑布聲中屋半間。來路草深時入夢。當門松偃漸知還。登峯漫許
能開眼。絕壁從今且閉關。腹笥可憐書數卷。爐邊昨夜已全刪。
卓庵力戒
子著書

曼公書至得山陰師死事信

去歲風聞疑至今。客來果說大星沈。青天已舉蠲軀志。白日空懸報主心。多難相依
臣節苦。異時不去國恩深。中興未奏公先死。淚灑天南聽捷音。
共羨吾師遇主知。五年車駕鎮相隨。邊書忽到催朝急。密旨偏承下直遲。血碧人間
千載恨。柱摧天外九重悲。乘輿此日蠻荒外。左右顛危更仗誰。

曾爲三策籌滇事。綸閣傳看亦動容。庭議只知爭祖制。帝心原自慎藩封。圖紓國難
身先殞。爲荷君恩禍獨鍾。門下夕郎同日死。九原含笑得相從。
吳東三諱霖
同日遇害

制科忝出陸公門。同是門生獨荷恩。規諷每蒙傾耳聽。詢謀偏許縱情論。受知不淺常蹟閣。相見無時特諭闕。何事違師苦求去。祇今西望漫傷魂。

將歸操

維灘江之水兮。清且漣漪。欲涉不涉兮。中心然疑。家既以毀兮。于誰爰止。久留南土兮。抑又何依。天地浩蕩兮。莫知所之。歸兮。丘壘在目兮。吾不可以久羈。

維灘江之水兮。道阻且長。我乘其舟兮。東望茫茫。兄弟雖衆兮。不審其在一。離僅存兮。不離我傍。遙指震澤兮。泣涕浪浪。子妻殉此歸兮。歸兮。宗祀勿墜兮。安能終老于他方。

行路難

自庚寅冬十月梧州失路迄辛卯冬十二返里艱危逼歷輒紀以詩得六十四首

望見梧雲路不通。西來貫甲引弓雄。鄰船燒盡榜人竄。獨樹孤舟繫晚風。自桂林回將抵梧州

潰卒蔽江所在劫掠

夜黑山深暴雨催。虎狼隊裏脫身來。孝廉認得同行伴。映竹茅齋爲我開。瑤林樹本夜投會孝

廉村中

竹屋初糊未穩眠。山搖竊發又紛然。灘頭便是焚舟處。仍雜村船上渡船。村中猛賊復起隨土

人過江往避

斗柄橫參冬已殘。蠻方天氣不知寒。梅花一樹牛欄外。每日扶藜兩度看。三家村誰傳邸詔到山扁。信是乘輿駐朗寧。愁絕潯州江路斷。致身那得奮飛翎。又一首窮山雨閉更人呼。繒繳漫漫何處逋。幾度被兵裝已盡。傾家急難是蒼梧。梧州當事有見覓者

賴蒼梧令周塞山經營解免

經旬守渡坐江頭。典盡春衣問小舟。偏遇買糧船正過。彎弓停楫在中流。扶口間渡遇兵腹多難逢君事已遲。偷生到此豈宜悲。可憐身外無長物。留取孤臣一卷詩。被掠憔悴纍囚生意微。思歸應是夢中歸。山頭却望摩空鳥。那得凌風學爾飛。被繫孤兒相失已三年。萬死蠻烟覓汝還。日夕牽衣今又散。亂山何處哭蒼天。失子日落孤村數已窮。摩刀相向忽開籠。草間一夜成甘寢。病骨何曾解怕風。將被害為憫陰縱之行

近關怕見北軍裝。掩面又胸避道旁。忽說姓名驚改色。聲音認得是同鄉。返梧州道上遇曉人

江君為前導始得行

十日無棲此夜偏。故人布被擬同眠。那知難後貧如我。抵足牛衣劇可憐。予十日無被抵梧州

與愚道人方密之同覆牛衣

乞假辭朝去未回。傷心囚服此時來。龍舟駐處江聲急。猿路荒殘馬矢堆。

梧州即事

五更起坐自溫經。還似書聲靜夜聽。梵唱自矜能仿佛。老僧本色是優伶。

愚道人託為僧習梵

唱予笑其是劇塲中老僧腔也

刺史鄉情荷已多。艱危無奈故人何。纔從虎穴全巢卵。又送窮魚脫網羅。

同鄉彭觀察字孔哲

資予出梧州先此曼公鑑在皆荷周旋

寄語西邨老布袍。舊時筇屐等閑拋。新詩一字渾忘却。壁上留題為我抄。

寄曾孝廉求予題詠

壁間諸作

赤脚敲門是再生。痴兒留得故人情。鄰嫗輟泣來相慶。笑指今晨有哭聲。

尋林樹本周塞山得

遇小兒

慚負當年博奧聲。車裘已盡聽君行。三更病渴思涓滴。錯喚獠奴阿段名。僕散

望見星巖淚已潛。稽呵有吏認愁顏。端州太守曾相識。一字包羞許過關。過肇慶太

守有茲得免

郡閣相邀揖罷還。傳心御幄敢躋攀。使君莫怪頻流涕。原是螭頭舊侍班。入府諭張

也幄

聞闌燒殘徧堦垣。徘徊難覓舊居門。老兵病臥前相問。為指孤吟閣尚存。端州過

吾鄉幕客老天隅。為擬東還結伴趨。難後赤身行不得。重憐覓渡向蒼梧。里人甘向

同行到端州力不能相資重返吾郡

轉眠傭奴便作威。解驂屬望故人非。同鄉好友輸金足。慚媿全家盡贖歸。曹匡石家

舊交李士璉海道翼其援手乃遭痛詬同鄉龔在田何豹公諸子獨助百金贖還

好事潘生劇可憐。從龍身喪左江邊。僮奴掠賣胡軍裏。說着低聲淚點懸。佛山遇潘

已溺死矣

難後同年尚幾存。惠州高蹈早為髡。閉門野史猶堪葺。莫負臨軒特典恩。佛山別吳

子已為僧

連朝水長過山腰。邨市填波波怒號。估客一時牽纜去。榜人呼我共撐篙。清遠道中

準擬龍車爾定隨。那期雁字又參差。老兄願讓生還集。乞與同門標近詩。聞我貽與武舟相失

我貽昨催我同行云遲又成一都生還集矣生還是拙集名嘲以寄慨

維丹崖寺試追攀。却說飛來自皖山。鄉國十年歸未得。暫留此地算生還。飛來寺有記云自吾

皖飛去者梁時清遠峽有二神人化為方士往舒州延祚寺夜叩其後神師曰峽磧清遠上游欲建一道場足勝概師許之乎俊諾中夜風雨大作暎明啓戶佛殿寶像已神運至此山矣師乃安坐語獨曰此殿飛來寺

何不回去忽聞空中語曰職不如靜賜額飛來寺

城上鐘鳴作吼聲。舊傳此物是龍精。城亡一夜摩空去。不與人間報五更。南雄謠樓有鐘舊得

自水中城破之夕斷絙飛去

寄語茅坪跛阿師。故人過嶺也披溜。追尋萬里門生誼。莫老蠻方負所思。金道憲出家自稱跛

阿師○嶺上過沈聲多往尋道隱以詩代書

雙脚蹣跚臥路陞。客來相慰漫興悲。乘輿何處吾歸去。可是高車駟馬時。過嶺見歸旌者

嚴城背日客心哀。往事淒涼對劫灰。江右嶺南千古恨。不堪回首鬱孤臺。過虔州

逆旅逢親意轉迷。無家歸去傍人棲。出門斜指蘆簾內。說是同鄉別駕妻。虔州同鄉人過

寄去家書到未曾。煩君口信字難憑。故園兄弟休痴望。頭白歸來是老僧。吉安別墅人付家信
江邨初夏樹陰陰。望去禾新客途深。跋涉最憐孺子苦。麻鞋破脚暗傷心。許憐樹上走
剛是行年四十來。不堪人事首重回。只今出世母嫌晚。便算茲辰降母胎。資福橋四
江邨競渡鼓聲新。臥病驚聞初度辰。莫道五絲難續命。看予幾度再生身。競渡初度日
三年習氣已消磨。曾約束還此再過。古寺燒殘老僧死。留予一頂教誰摩。戊子然齋昌間
約予還為祝髮比到寺煖師已辭世矣
急水回舟認此邨。兩株榕樹覆山門。詩箋壁上張如舊。猶帶傷秋淚點存。重過水口邨鑑和僧

鐵鑪磨穿海上來。仙師有約到蓬萊。黑風一夜三三失却望。滄波痛哭世。又一首
移居深巷叩柴荆。問姓開門半日驚。更說與君驚絕事。痴兒尋得已隨行。過黃秀才村居
此地招尋獨有君。驚看鬚鬢雪紛紛。姓名祇許孫嵩識。莫遣通邨父老聞。過危秀才山家
自逃方外久忘機。特訪名山入翠微。谷鳥相猜有何意。避人穿過隔谿飛。白水村
蕭寺炊烟漸欲無。僧堂粥飯敢嫌粗。苦瓜未熟米鹽絕。吃盡山頭雨後菇。天堂山

天堂山上人來稀。天堂山僧去不歸。歸時托鉢予。亦去回聽鐘聲隔翠微。
扶筇曉上最高峯。嵐海平鋪四面同。此際下方人未醒。茫茫都在白雲中。
峯峯關主本同鄉。禪寂多年不下床。為指蒲團相對坐。沙彌初點一枝香。

別天堂山曉登金峯靜室

頭白山僧舊說名。早年持律晚尤精。客來旋摘新鋤菜。打水親燒折脚鐺。

訪晉雲靜室關西禪師

吾師托鉢事終南。死後依然守一龕。說著鉗錐隨墮淚。旁人不信是同參。

聞公與終南了悟師

為同參而師事終身既歿建塔院奉之

老僧多病苦修偏。課誦行禪夜不眠。更荷慈悲留過客。為憐單被自裝綿。
死關侍者老千峯。苦行年深有病容。見我褰中衣未製。親携刀尺與裁縫。

謝湛源師為裝綿被謝頤光師裁衣

此生已信付寒灰。物外驚疑何處來。自是禪心死未盡。尚留俗相與人猜。

久住寶蓮庵有物色

望去山腰一縷煙。到來鐘梵肅諸天。道人已習頭陀行。為乞袈衣與種田。

圓湛菴

朝。拍。鐘。磬。禮。袞。綏。慚。愧。男。兒。始。出。家。胡。跪。階。前。求。薤。草。可。能。還。佛。似。丹。霞。又。一。首
招。尋。有。伴。入。松。關。我。自。棲。山。爾。自。還。別。後。望。雲。無。過。念。團。瓢。只。在。數。峯。間。別。卜。居。松。關
自。是。多。生。風。障。深。纔。拋。稚。子。又。關。心。出。山。送。爾。尋。舟。去。指。與。江。頭。楓。樹。林。別。松。關。送
自。別。松。關。苦。溯。流。更。堪。煙。雨。滯。孤。舟。竹。房。無。限。蕭。疏。興。來。作。篷。牕。萬。種。愁。懷。松。關
祇。園。劫。後。再。來。興。耿。耿。猶。存。塔。院。燈。三。市。繞。完。無。認。得。出。門。唯。識。飯。頭。僧。壽。昌
爲。指。芒。鞋。更。向。前。匡。廬。深。處。許。安。禪。前。身。應。是。山。居。客。說。著。峯。頭。意。惘。然。卓。菴。指。往
頭。白。潯。陽。老。樵。師。江。邨。鄰。舍。半。相。知。故。園。桂。樹。聞。名。久。可。識。如。今。剩。幾。枝。吳。城。過。長
鄉

放。棹。中。流。恨。短。篷。江。山。如。舊。恨。無。窮。隣。船。不。識。傷。心。事。打。鼓。鳴。鑼。賽。晚。風。又。一。首
爲。指。孤。松。間。路。行。到。門。應。是。舉。家。驚。明。晨。便。逐。東。風。去。屋。裏。平。安。寄。一。聲。江。頭。送。兒
驚。喜。吳。江。旅。櫓。還。豈。期。兒。女。鏡。團。圓。傷。心。更。有。鴛。原。痛。那。得。忘。情。竟。放。船。子。通。家。兒
兄。於。去。夏。已。歿。而。兒。婦。方。氏。守。志。以。待。兒。子。之。還。悲。喜。交。逼。因。暫。返。家。櫓。返。四。家

藏山閣詩存卷十三終

藏山閣詩存卷十四

桐城錢秉鐙飲光著

龍潭室主校刊

失路吟 辛卯

行脚詩上下平韻三十首

予為卓庵指往廬山不得去遂往來江上為行脚詩以寓志

佛法人情兩未通。麻鞋鉢盂

一作盂

袋任西東。衣冠莫笑當場戲。棒喝難施半死翁。往事

是非都說夢。新年憂喜但書空。雲山何處堪行脚。依舊臨江哭路窮。

逢人又手話南宗。笑殺諸方老凍膿。

一作膿

絕迹孤峰從不到。轉身滄海豈能容。情知

廣額刀難放。却訝曹溪碓久春。消息杳然香欲燼。城南正打五更鐘。

唐法融和尚得道於江寧祖堂

山為南宗第一祖師

爐灰死盡志初降。夜半披衣禮法幢。戲把閑身藏北斗。笑開大口吸西江。布毛吹去

無多子。芒屨踏穿定幾雙。好趁此時重抖擻。莫教辜負月當牕。

無端歌哭總成痴。瓢笠隨身縱所之。普化雲端羞振鐸。空山壁上怕題詩。野狐到底

歸槽廠。貧女安心賣笊籬。身在人家半在寺。行藏儘教世間疑。

重到江南花漸稀。愁看柳絮漲一作天飛。殘經繙過吹松火。破衲穿時覆葛衣。明白化城無路去。等閒田地幾人歸。近來頗會垂一作鈎法。不坐蒲團坐釣磯。

粥飯隨人生計疎。偶來野衲許同居。幾回塵夢迷蕉鹿。猛覺灰心是木魚。茗熟喜逢高士至。菜香每謝道人鋤。判將老筆修禪史。又被圓通戒著書。卓庵禪師住圓通

踏翻大地幾吾徒。笑指菰蘆興未孤。最喜龍蛇隨處雜。可知牛馬任他呼。倦來那覺繩床短。飽後還嫌香飯粗。巖樹是非關底事。漫勞分別問榮枯。

鷓鴣經旬帶雨啼。沿河芳草踐成泥。何時火改茶初焙。幾日天晴麥已齊。吾道半歸滄海上。好山多在楚雲西。出門望斷元無事。到晚江頭一杖藜。

桐帽棕簑自偶偕。尋山何處有茅齋。但容折脚親支爨。得覆匡床手縛柴。佛法難憑長脫略。故人相見且談諧。常時開口防疑怪。那得臨風一放懷。

赤脚拖泥日幾迴。到頭一句口難開。荒涼野寺鳴鐘過。慚愧貧婆送米來。爲覓因緣穿酒肆。欲傳心事畫爐灰。長街走盡無人遇。又向西風痛哭回。留得龍鍾半死身。今年赤首敢云貧。飄零花鳥誰爲主。憔悴雲山定幾人。古廟有爐

權過夜。老僧無。婦慣傷春。荷衣每日。臨江洗。莫教沾他市上塵。

空中花雨日紛紛。莫道無聲。徧界聞。推倒泥神。尋佛拜收來。牛骨換香焚。懶登。

挨子師青鳥。即青神師。遠錄公。夢青鳥而得師。會仗諸天起白雲。白雲道場爲子家山。廢久矣。好水好山吾。

肯容俗漢與平分。

郭北村南信脚跟。當歌欲放忽聲吞。去來未必真遊戲。成敗何須細討論。不爲長。

投米店。豈因多病叩醫門。時有二居士往還。夜深別有傷心伴。叫絕西山幾個猿。

亂去林泉一半殘。藏身那得竹三竿。饑寒總被婆心悞。一作笑。傲嘗防冷眼看未許。

片雲黏拄杖。肯求寸土放蒲團。飄流合是吾生事。紙衲荷裳夢也安。

閱盡滄桑是等閑。纔辭天半又人間。老年湖海偏驚浪。家世烟霞厭住山。豈有拈提。

憂惑亂。但憑伶俐笑痴頑。此生未了他生了。親見黃龍不問關。

誰信靈山有別傳。偶然擔板一作飯漫譚禪。餐眠似得真三昧。功德休爭一作論第幾天。

香積屢分施。鵲飯竹筒時乞賣魚錢。白牛不用強調服。鼻綫隨人自可憐。

閑來倚杖聽江湖。蘆火汀煙未寂寥。幾處棹歌傳北調。數株枯柳一作樹說南朝。貝經。

一軸聊遮眼。黃篋三條且束腰。同學故人書信斷。幾時垂釣接詩瓢。
自笑顛狂自解嘲。偶思長嘯竄荒郊。放生有愿收虫網。續火無薪落鳥巢。
路滑石頭還拔草。庵成枯木漫誅茅。中宵得句尋僧賞。正到柴門又懶敲。

祖庭秋晚野狐啼。龍象紛紛醉後迷。白髮豈能容大隱。青山幸不碍方袍。
帆凌火島風常變。客去松關月自高。一卷法華隨意讀。旁人錯聽是離騷。

參方老去漸蹉跎。的的西來意若何。誰是火一作大魚能破網。敢言活水不興波。
報恩

臨濟三拳少。得法天龍一指多。半句投機吾事足。漫勞高座辨淆訛。

夜半驚心毒鼓搥。爐煙深處拜袈裟。當時誤釘虛空櫪。此日難栽石上花。
學道未能全。十忍罷參且聽演。三車天涯不用哀。窮子何處乾坤是我家。

回首雲邊斷雁行。羈棲無夢過瀟湘。誰留丈室朝槌磬。自別名山夜罷香。
月出亂峯聞犬吠。泉施遶國縱予狂。禪心死後原無事。只向一作在西天禮覺王。

傳道孤峯有磬聲。踏殘山路轉傷情。一階門虎留泥迹。繞樹飢鴉訴晚晴。
佛座半欹無力正。龕燈欲暗幾時明。出頭天外淒涼久。誰共貧兒結伴行。

莫作悲歌意懶聽。舊遊此日半凋零。住山幾個甘長餓。斷酒多年怕獨醒。秋盡獵人
憂虎瘦。春來海客厭魚腥。有誰問我休心法。授與靈均一卷經。
來去穿雲五尺藤。好峯精剎我頻登。碧天萬里同明月。丈室千年宿一燈。頭白尙容
還故國。眼枯不敢望諸陵。緇衣斷制人閒淚。原是前朝剎染僧。
啼笑非時可自由。正傳春去又驚秋。山中有伴惟馴虎。草際無人莫放牛。誰到懸崖
空撒手。幾從黑海辦回頭。冥冥雲霧多神物。應待真僧一鉢收。
衰病由來自苦吟。年纔四十鬢毛侵。長期匣鏡消生面。忽對爐灰竟死心。幾度夢中
哀武水。無端天外哭陰平。平生師友摧殘盡。不問人間再鼓琴。
生成黃面老星星。托鉢一作盤棲山事未諧。鳥道艱難吾獨去。蠻方辛苦舊同參。經行
有地憐一作鄰冰井。痛哭無舟載雪庵。灑淚別來成底事。誤人芒屨是江南。
瘦竹枯藤信手拈。何時扶上祝融尖。山靈有誓期無負。佛法將興屢見占。誰借團瓢
容我住。長愁袍帽被人嫌。算來寒拾同流少。莫把浮踪到處淹。
多年家信始開函。笑脫青州鶻鼻衫。坐對空宵忘月指。閑聽野衲辨風帆。大師幾處

懸心印。高士經時換道銜。咫尺牛頭吾不到。游人枉說獻花巖。
獻花巖祖堂法融禪師定於此百鳥獻花

藏山閣詩存卷十四終